

(ciep geizgonq)

Vangz Guhdoih cingq ngeix dwk, duz roegga daxmeh youh gamz ndaej duz non ndeu mbin dauqma, danhseih, mbat neix de mbouj leix gij roegga iq haenx, de cix hamj gvaq roegga iq yiengq baihgwnz mbin bae, dawz duz non saek haeuj ndaw bak duz roeggalaux gaenq bwn loenq haenx bae, yienzhaeuh ngon dwk: “Va,va,va, roegga caen hauqswnh, meh laux mbin mbouj ndaej, gaeb non ma gueng meh, aenvih daxmeh gueng gou hung, sam cib ngoenz faeg gyaq byom yaek dai, song ndwen ciengx lwg baeg dai meh, gaej hag lajfaex daeggo vaih, caet bi lij gwn cij daxmeh, majhung cix dawz daxmeh moeb, cukseng mbouj cig duz ndeu, raeuz hag gwnzbya duz yiengz iq, lij caengz gwn cij couh sien gyih, didi cij meh, aen ciengx gvangq lumj haij, gou mbouj bauqdap byawz bauqdap.”

Vangz Guhdoih dingq le gig najmong, naj nding daengz goek hoz, cingq mbouj rox baenzlawz gajduet seiz, daxmeh de soengq ngaiz daeuj hawj de lo, yienghneix, de sikhaek ndwn hwnjdaej, daihsing hemq naeuz: “Meh, doiq mbouj hwnj, gaxgonq gou loek lo, danhseih seizneix gou aeu dauqungz guhvunz, daj seizneix hwnj, gou aeu gya boix doiq mwngz ndei, cingj mwngz caj yaep ndeu, gou sikhaek bae ciep mwngz.” Gangj sat, de couh cung roengzbae ciep daxmeh.

Danhseih, daxmeh de rwznuk, mbouj rox Vangz Guhdoih gangj gijmgaz, cij goq ngaemgyaeuj byaij loh, de fwt ngiengx gyaq, yawjraen daeglwg de gaenq daeuj daengz dangqna, laihnaeuz youh daeuj moeb de, lau dwk cienq ndang couh buetdeuz.

Vangz Guhdoih raen daxmeh de lau swhgeij couh lumj nou raen meuz ityiengh, engqgya gvaq swhgeij lo, de nai daxmeh: “Meh, mwngz gaej buet ha, gou caiq hix mbouj moeb mwngz lo, gou dauqungz guhvunz, gou aeu ndeindei doiq mwngz, rouh gij coih gaxgonq gou.”

Veiz Gozcingh caeuj gij goengdaeuz dangjveij ndaw gih wng cungj mbouj doengzeiq dingz guhfap neix. Veiz Gozcingh gangj: “Gyoebcomz doih hung bae ngonzyawj, it aeu ngaenz, ngeih aeu seizgan, hoeng lij mbouj itdingh hag rox gingniemh. Aenvih ndaem naz dwg hangh hong sijsaeq ndeu, daj genj ceh, coq bwnhdae, cimq ceh, doek ceh, ndaem gyaj daengz ndai naz, coq bwnh, guengq raemx, baiz raemx, dak naz daengj doenghgi hong guenjieix dajndaem, hoh dawz hoh, hohhoh cungj miz yozvwn, mbouj dwg bae ngonzyawj geij ngoenz le cix hag ndaej rox.” De cawjcieng, youz swcigih ok ngaenz, daj Cauzsan cingj boux ak hong dajndaem daeuj, faenbied bae gak dieg swngheanjdai gauj nazyienghbanj. Gauj nazyienghbanj youz swngheanjdai ok naz caeuj gij doxgaiq bietaeu dajndaem, hoeng ndaem naz daj goek daengz byai cungj



Byawz rox, de mbouj gangjvah lij ndei, de baez hai bak, daxmeh lau deng haep, siengj buetdeuz, sawqmwh, de baez yamq hoengq, laemx ndaw gumzlaeg bae, dai bae lo.

Vangz Guhdoih baez raen, coemj hwnjbae, umj daxmeh hwnjdaej, heuh mbwm hemq deih naeuz: “Meh, mwngz gaej dai ha, gou lij caengz bauq aen mwngz ne!” Gangj sat, couh umj daxmeh hwnjdaej, yiengq ranz Cangh sienyw Mbanjbakva buet bae, youq buenq roen, de rengz gaenq sat, heiq yaek goenq, vunz gaenq bibuengq lo. Seizneix, miz ndaek rin ndeu laeuz din de, de baez dingjdaej, ringx laj roen bae, bungq deng ndaek rin hung ndeu, uk dek dai lo.

Roegga gwnzfaex raen yaepyet duet bae song diuz mingh, sikhaek moenghmangh lo. Yienzlaiz, duz roegga dwg roeggasieng gwnzmbwn, dang Vangz Guhdoih nyoenyamax daxmeh gij mingz rwix de cienz daengz gwnzmbwn seiz, dienvuengz bonjlaiz siengj baij byaj bag de bae suenq lo, dwg duz roeggasieng cingjgouz hawj de aen gajcingq gihvei. Dienvuengz rox roeggasieng bak leixhaih, cij minghlingh de daj gwnzmbwn roengzdaeuj gyauyuz gamjvaq de, siengj mbouj daengz roeggasieng cij ok di geiqmaeuz iq, Vangz Guhdoih couh deng gamjvaq lo, engq ngeix mbouj daengz, de cij dwg

siengj gaujyen Vangz Guhdoih mbat ndeu, Vangz Guhdoih cix song mehlwg saet mingh lo, caen dwg mbwn guhrwix lij lix, vunz guhrwix mbouj ndaej lix ha. Danhseih, saehcingz gaenq dwg yienghneix, roeggasieng roxdaengz ienqhoij hix mboujmiz yungh lo. Ndigah, de cij danq gaemz-heiq, ngiengx naj coh gwnzmbwn hemq gaga hwnjdaej.

Daengx biengz roegga dingq daengz roeggasieng swenj le, gip-muengz daj gak gungx mbin daeuj Mbanjbakva doxcomz, gyoengqde gamz namh dawz Vangz Guhdoih song

mehlwg moek lo.

Vangz Guhdoih dai le, gij hoenz de gaen roeggasieng bae daengz diendanz, de youq baihnaj saenz mieng dwk: “Vihliux rouh coih ciuhgonq ma, gou nyienh ciengxlwenx buenx youq henzndang daxmeh, hawj daxmeh guhhoiq.” Dienvuengz deng gij caensim de gamjdoengh lo, couh dap’ wngq de. Yienghneix, daj ndaw moh Vangz Guhdoih song mehlwg de maj ok gorungz caeuj gogaue, gorungz haenx dwg daxmeh de bienqbaenz, gogaue geuj youq gwnz gorungz haenx dwg Vangz Guhdoih bienqbaenz. Vangz Guhdoih guh gij hanbak de, cien lai bi daeuj, de yungh gij lwedgaeu de bae ciengx daxmeh, aenvih daxmeh de—gorungz cien bi neix, dienvuengz cij hawj de bak bi sengmingh, gij rag de caeux couh dai lo, de aeu gij yingzyang haenx dwg baengh gogaue hawj gij lwedgaeu haenx, de seizneix lij dwg yienghneix mwnnoengq, cienzbouh dwg baengh lwg de—cien bi gaeulwed dawz gij lwed swheij mbouj dingz dwk soengq daengz ndaw ndang de.

Gyoengqvunz cingqdwg deng aen gojsaeh neix gamjdoengh, cij dawz go gaeulwed cien bi neix hen roengzdaeuj.

(sat)



Hoengzfwdfwd

Veiz Gozcingh Sangcieng Cawj-guenj Guengjsae Ngeihcib Bi

韦国清上将主政广西二十年

□ Hoz Saubangj sij Cingz Siengzcouh Liuz Gingliuj Cingz Siengzgen hoiz

youz gij bouxak Cauzsan gag guhcawj bae ndaem. Swngheanjdai aeu genj boux ndangdae ndei, guh hong ak haenx bae gaenban dajndaem caeuj hagsib. De naeuz: “Doenggvaq gauj nazyienghbanj, daj ndaem daengz sou, cungj hawj bouxak Cauzsan caenfwnz gag son gonq, boux gaenban haenx yaengyaeng hag, yienghneix cij son ndaej sijsaeq, hag ndaej saedcaih, gij gingniemh Cauzsan cij ndaej bienq baenz gij doxgaiq vunzlai yawjraen haenx, caencingq miz guhyiengh caeuj doidoengh cozyung.”

Gij cangzvej dangjveij ndaw gih caeuj gij goengdaeuz nungzyezdingh cungj doengzeiq yigen de.

Bi 1964 ndwen 8, Swcigih Dangjveij cingqsiq yiengq Guengj-doeng Swngjveij cingjgouz bang-coengh. Veiz Gozcingh caemh gangj gij naemjap Guengjsae hawj Dauz Cau dingq, Dauz Cau naeuz: “Aen banhfap neix ndei, gou dongx Cauzsan Digih gonq, gyoengqde dingh dingj-rengz sou.”

Doiq gij iugouz Guengjsae, gij goengdaeuz gak gaep Cauzsan Digih

cungj gig yawjnaek. Gyoengqde dangq ndaej bae coengh Guengjsae dwg hangh hongrap miznaj ndeu, gig nyinhcaen bae genj bouxak yaek baij okbae haenx, caemhcai son’ gyauq gyoengqde, anbaiz ndei saeh ndaw gyoengqde, hawj gyoengqde ndaej simnet youq Guengjsae son dinfwnz. Seized, gyoengqde lij baij gvaq veivwndonz, faenbied bae daengz Guengjsae gak aen diemj cungj gij bouxak gyoengqde.

(caengz sat)